



3. Алдымыздан кезіккен

Көп танысты көреміз

Бәріне де ізетпен

Біздер сәлем береміз (Е.Өтетілеуұлы)

4. Армысыз, қайырымды Аспан ата!

Армысыз, мейірімді Жер-ана!

Армысыз, шұғылалы алтын Күн!

Қуан, шаттан, алақай!

Қайырлы таң, қайырлы күн!

Бәріміз де күндей жарқырайық!





1.Еліміз аман болсын!

Анамыз аман болсын!

Деніміз сау болсын!

Балабақшамыз гүлдене берсін!

2.Қуан,шаттан,алақай,

Қуанатын келді күн!

Қайырлы таң,

Қайырлы күн!

Күліп шықты бүгін күн!





5. Дос болып біз жүрейік,
Ойнайық та күлейік.
Достық деген тамаша
Міне, тұрмыз жараса.

6. Біз қандаймыз, қандаймыз?

Шұғылалы таңдаймыз,
Күлімдеген күндейміз,
Еш уайымды білмейміз. (М.
Жаманбалинов)





7. Дос болайық, бәріміз,
Жарасып тұр әніміз.
Тыныштықты сақтаймыз,
Атсын күліп таңымыз. (Х.Талғаров)

8. Амансың ба, алтын Күн!
Амансың ба, Жер-ана!
Амансың ба, достарым!
Сендерді көрсем қуанам!





9. Біздің топта ұл-қыздыр,
Тату-тәтті ойнаймыз.
Айналаға-бар адамға
Тек мейірім сыйлаймыз.

10. Еліміз аман болсын
Анамыз аман болсын!
Деніміз сау болсын!
Балабақшамыз гүлдене
берсін!





11.Бақшамызға барғанда,
Жолыққан бар жандарға
Ертемен ақпейілмен:
«Қайырлы таң!» -деймін мен.

12.Білер қазақ баласы,
Сәлем-сөздің анасы.
Алдымыздан кезіккен
Көп танысты көреміз.
Бәріне де ізетпен
Біздер сәлем береміз. (Е.Өтетілеуұлы)





13. Біз ұқыпты баламыз,
Айтқан тілді аламыз.
Ойыншықты жинаймыз,
Үлкендерді сыйлаймыз.

14. Бала, бала, балақан,
Көне, қайсы алақан,
Саусақтарың әйбат
Былай, былай ойнат.





15. Арайлап атқан таңымыз аппақ,
Арайлап атқан таңымыз ашық,
Арайлар атқан таңымыз жарқын,
Арайлап атқан таңымыз қуанышты болсын!

16. Бала, бала, баламыз,
Бақшамызға барамыз.
Күні бойы қызыққа
Батамыз да қаламыз.





17.Топ,топ басайық,
Жалаудан күн жасайық!
Жаса,жаса алтын күн!
Жаса,жаса жарқын күн!

18.Угәй-угәй әніміз,
Арпа-бидай дәніміз,
Ашық болып аспанымыз,
Сәтті болсын күніміз!





19. Орнымыздан тұрамыз,
Күнге шаттана қараймыз,
Қуана қолымызды созамыз,
Осылай күнге жылу шашамыз.

20. Шашымды да тарадым,
Айнаға да қарадым
Ерте тұрдым ұйқымнан,
Мен бақшаға барамын. (Қ.
Әлімқұлов)





21. Бейбіт өмір-тілегіміз,
Бауырмалдық салтымыз.
Қамқорымыз, тірегіміз-
Ынтымақты халқымыз. (С.
Ғалымұлы)

22. Тамаша ғой бақшамыз,
Саяхатқа шығамыз.
Алға басып келеміз,
Бәрін, бәрін білеміз, (Е.
Өтетілеуұлы)





23. Бір шаңырақ астында

Тату-тәтті тұрамыз.

Бірге ішеміз асты да,

Бірге сайран құрамыз.

Ортақ болып ісіміз

Еңбек десе тынбайды. (Н.Айтов)

24. Бал, бал, бөбек, бал бөбек,

Бөгелмей білім ал, бөбек.

Білмесең білім бекерсің,

Бет алдыңа кетерсің-

Елге есті ер ер керек,

Ер жет, есей ертерек! (У.Жансүгіров)





25. Үлкен сыйлап кішіміз,
Аға ақылын тыңдаймыз,
Достықты үлгі санаған.
Бір үйде біз тұрамыз
Қалған ата-бабадан,
Бірлік-асыл мұрамыз. (Н.Айтов)

26. Барлық жанға жолыққан
Амандасып жүргейсің,
Амандықты ту етіп,
Адал өмір сүрейік. (Е.Өтетілеуұлы)





27. Анаң-күнің, жүрегің,
Әкең-өмір-тірегің.
Әжең-асыл ардағың,
Атаң-дана қорғаның.
Ағаң-қамқор асқарың.
Інің-мөлдір аспаның.
Қарындасың-қанатың,
Ел-Отаның жаннатың.
Сен-бақытты ұлансың,
Бәрі саған қуансын! (М.
Қуанышбеков)

28. Ана тілің-ертегің,
Ана тілің-өркенің
Ана тілің-ертеңің,
Қадірле ана тіліңді-
Сонда ашасың гүліңді. (Б.
Үсенбаев)





29.Туған жерім-тұғырым,
Қасиетінді ұғындым.
Шексіз байтақ далаңа
Қорған болар ұлыңмын.
Өскен елім-өзегім,
Көлім менен өзенім.
Орман-тоғай-тауларың
Ыстық маған,сеземін. (Н.
Сырымұлы)

30.Бақша-біздің үйіміз,
Тату-тәтті жүреміз.
Баулап апа,ағамыз,
Құстай қанат қағамыз.
Жақсы болып өсуге,
Біз тырысып бағамыз. (Қ.
Әлімқұлов)





31. Орнымыздан тұрамыз,
Қолды белге қоямыз,
Бұрыламыз оңға бір,
Бұрыламыз солға бір.
Біздер тату баламыз
Гүл-гүл жайнап жанамыз

32. Ортақ мекен жер шары,
Төбемізде бір аспан.
Барлық ұлттың баласы
Достығымыз жарасқан.
Ортақ бізге бір Отан,
Ортақ жердің байлығы.
Еңбек ортақ, жер ортақ,
Ортақ бізге барлығы.
Туыспыз біз бәріміз,
Бір Отанды сүйеміз.
Бақытты елде туған соң,
Бақытты өмір сүреміз. (Е.
Елубаев)



33. Достығымыз берік боп,
Бекітейік қолменен.
Қуанышты шеңберге
Тұрған жақсы доспенен.

34. Аппақ, аппақ дала,
Аппақ ауыл, қала.
Жапалақтап ақша қар
Жауа берші, жауа.
Көңіліміз қаласа,
Сыртқа шығып таласа
Қар атысып ойнаймыз,
Қыстың күні тамаша,
Тамаша!





35. Жақсылық көрсең біреуден,
«Мен қандаймын?» деп ойла.
Жамандық көрсең біреуден,
«Мен қандаймын?» деп ойла.

36. Жасыл желек жамылған,
Асыл моншақ тағынған,
Сонша әсем, сонша бай,
Ағаш бар ма шыршадай!





37.Ғажайып түс көрдім

Таң ата мен бүгін.

Ертегі әлемінің

Қызығында жүрдім,

Бірақ оянып кеттім,

Әттең...

38.Ортақ мекен жер шары,

Төбемізде бір аспан.

Барлық ұлттың баласы-

Достығымыз жарасқан.





39. Алақанды ашайық,
Күннің нұрын салайық.
Таза ауамен дем алып,
Жақсы ойлар табайық.
Осы жақсы лебізді
Бір-бірімізге сыйлайық.

40. Анаң-күнің, жүрегің,
Әкең-өмір тірегің,
Сен бақытты ұлансың,
Бәрі саған қуансын!





41. Алақанды ашайық,
Күннің нұрын салайық,
Жүрек жылуын салайық,
Осы жақсы лебіздерді
Бір-бірімізге сыйлайық.

42. Алақанды ашайық,
Тауыққа жем шашайық.
Бір отырып, бір тұрып,
Қонақтап демалайық!





43.Тербеледі ағаштар,
Алдымыздан жел еседі.
Кіп-кішкентай ағаштар
Үп-үлкен болып өседі.

44.Көктем келді,көктем келді далама
Қуанып жүр ата-ана да,бала да.
Біздің үйге ұя салды алақай,
Былтыр кеткен қарлығаштар тағы да.





45. Кел, балалар, күлейік,
Күлкіменен түпейік.
Күлкі-көңіл ажары,
Күліп өмір сүрейік.

46. Ақ көгершін, көгершін,
Қолғанай құс сен едің,
Бар, кезіп қайт ел үшін
Кең дүниенің көлемін





47.Армысың, асыл кун,
Армысың, көк аспан.
Армысың, асыл жер,
Армысың, жан досым.
Жылуымы жылу қос,
Мінеки, менің қолым.

48.Ән салуға барамыз,
Досымызды табамыз.
Сәлемет пе! Міне, мен,
Доспын енді сенімен!





49. Қораз, қораз, қаңқылдақ,
Ерте тұрып қаңқылдап,
Алтын айдар басында,
Ән салар үй қасында.

50. Көбелек-ау, көбелек,
Әдемісің керемет.
Гүлге келіп қона ғой,
Өзің де гүл бола ғой.





51. Айналайын, балалар,
Маған қарап тұрыңдар.
Аяқтарды тік түзеп,
Амандасып алыңдар.
Сәлем, сәлем, балақай,
Сәлем, сәлес, балақай!

52. «Сәлем»-дейміз, -алтын Күн,
«Сәлем»-дейміз, -Жер-ана.
«Сәлем»-дейміз баршаңа!





53. Арайлап таң атты,
Алтын сәуле таратты.

54. Достарды біз қолдаймыз,
Қиын шақта қорғаймыз.
Біздің топта ұл-қыздар,
Тату-тәтті ойнаймыз.





55. Үлкенге сіз,
Кішіге де сіз.
Бар әлемді құрметтеп,
Бас иеміз біз.

56. Біз ерекше баламыз,
Айтқан тілді аламыз.
Достарымды көргенде,
Қуана қарсы аламыз.

